

**CONVENIO PARA A REALIZACIÓN DO "PRÁCTICUM" DO ALUMNADO DA
FACULTADE DE PSICOLOXIA DA UNIVERSIDADE DE SANTIAGO DE
COMPOSTELA, ENTRE O CONCELLO DE PONTEVEDRA E A
UNIVERSIDADE DE SANTIAGO.**

En Santiago de Compostela, a 20 de marzo de 2012

REUNIDOS

Dunha parte, don **Juan José Casares Long**, Reitor Magnífico da Universidade de Santiago de Compostela que actúa en nome e representación dela en virtude do Decreto 99/2010, de 17 de xuño, (DOG do 24), de seu nomeamento, e polas facultades conferidas pola Lei Orgánica 6/2001, de 21 de decembro, de universidades, modificada pola Lei Orgánica 4/2007, de 12 de abril e o Decreto 28/2004, de 22 de xaneiro, polo que se aproban os Estatutos da Universidade de Santiago de Compostela.

Da outra, don **Miguel Anxo Fernández Lores**, actuando en calidad de Alcalde do concello de Pontevedra, con CIF [REDACTED]
Ambas as dúas partes reconécense con capacidade legal suficiente para outorgar o presente convenio e para os efectos

MANIFESTAN

Que a Universidade de Santiago de Compostela (en adiante USC), dedicada a actividades de docencia, investigación e desenvolvimento científico e técnico, ten a vontade de potenciar a realización de actividades formativas, especialización e prácticas dos e das estudiantes da Facultade de Psicoloxía coa finalidade de contribuír a unha mellor e más completa formación e cualificación dos seus titulados e tituladas.

Que o Concello de Pontevedra ten interese en colaborar no sistema de formación dos e das estudiantes da Facultade de Psicoloxía da USC

De acordo coas bases anteriores, a USC e o concello de Pontevedra.

ACORDAN

1º.- Que o presente convenio ten por obxecto establecer a colaboración entre os comparentes cara a unha adecuada planificación, desenvolvemento e avaliación dos "PRÁCTICUM" do alumnado da Facultade de Psicoloxía, dentro do marco legal que aquí se estableza e de acordo coa normativa que regula os Prácticums das titulacións impartidas no mencionado centro.

2º.- Polo presente convenio establecese un programa de formación práctica dos e das estudiantes no concello de Pontevedra en tarefas propias da Psicoloxía dentro dos

programas establecidos polo centro e baixo a titorización dun profesional titulado en Psicoloxía e que desenvolve funcións propias desta profesión.

3º.- As condicións específicas de duración, obxectivos e período de realización do programa de prácticas que son obxecto do presente convenio veñen determinadas polas características da materia "Prácticum" ou "Prácticas externas" no plan de estudos correspondente. Estas condicións especificanse no anexo I que acompaña ao presente convenio e aqueles que, de mutuo acordo, se lle engadan con posterioridade á súa sinatura.

4º.- O traballo formativo desenvolverase baixo a dirección e supervisión dun psicólogo ou psicóloga do concello de Pontevedra que actuará como titor/a, debendo facilitar a suficiente dispoñibilidade para o cumprimento da súa función docente: orientar e asesorar individualmente a cada estudiante, de xeito que facilite a súa aprendizaxe a través das actividades programadas.

5º.- Por razóns legais e técnicas o/a estudiante non poderá desenvolver actuacións profesionais durante a súa estadía formativa, e deberá aterse en todo momento á normativa de funcionamento do centro.

6º.- O/a estudiante comprométese a non divulgar ningunha información de carácter confidencial, nin durante nin despois das prácticas, así como a cinguirse, na súa actividade, ao Código Deontolóxico da profesión. En todos os casos quedará plenamente garantido o dereito do usuario/a á súa intimidade persoal e familiar.

7º.- A realización dos Prácticum que se establecen no presente convenio non suporá a adquisición de máis compromisos que os estipulados no mesmo, e en ningún caso se derivarán obrigas propias dun contrato laboral, xa que a relación que se estableza entre o/a estudiante e o concello de Pontevedra non terá ese carácter.

Os riscos de enfermidade ou accidente estarán cubertos polo correspondente seguro escolar. Para os/as estudiantes maiores de vinte e oito anos formalizarase obligatoriamente, a cargo do/da estudiante, un seguro específico.

Para aquellas prácticas nas que concorra un risco excepcional, contratarase un seguro específico que correrá a cargo do/a estudiante.

A cobertura dos riscos derivados da responsabilidade civil do alumnado, que realiza prácticas tuteladas en empresas ou entidades, queda garantida pola USC.

8º.- A USC comprométese a expedir, a petición do interesado, as correspondentes acreditacións aos e ás profesionais que colaboren como titores dos Prácticum e a facilitar actividades de formación que favorezan o intercambio de experiencias entre os titores profesionais e a Facultade de Psicoloxía, intensificando canles de colaboración e participación que supoñan unha posibilidade de mellora no desenvolvemento do Prácticum.

9º.- O concello de Pontevedra comprométese a ofrecer as condicións necesarias para recibir aos e ás estudiantes e propiciar o óptimo desenvolvemento do programa de prácticas, facilitando ao alumnado os medios e recursos necesarios. Así mesmo, favorecer aos e ás profesionais que allí traballen na súa implicación como titores do Prácticum e valorar para os efectos oportunos o tempo de dedicación correspondente a tarefas de tutoría conforme á acreditación que outorgará a USC.

10º.- O responsable para o desenvolvemento das prácticas por parte do concello de Pontevedra será o/a profesional nomeado polo centro de prácticas. Por parte da Facultade de Psicoloxía será o coordinador/a da titulación.

11º.- Para o desenvolvemento e execución dos acordos deste convenio e a realización das propostas de modificación e desenvolvemento que se consideren oportunas crearase unha Comisión de Seguimento constituída de forma paritaria por tres membros da USC e tres membros do concello de Pontevedra.

- Pola USC a Vicerreitora de Titulacións e Persoal Docente e Investigador, ou persoa en quen delegue, e dúas persoas designadas polo reitor.
- Polo concello de Pontevedra, o/a Concelleiro/a delegado/a, a xefa de Sección da Oficina Técnica de Benestar Social e un psicólogo da unidade asistencial de drogodependencias.

12º.- A Comisión de Seguimento asumirá o compromiso de levar a bo termo os obxectivos deste convenio, e terá como funcións:

- a) Establecer criterios de seguimento e avaliación dos programas de Prácticum.
- b) Determinar os centros e/ou dispositivos onde se realizarán as actividades de Prácticum.
- c) Con carácter xeral, interpretar e aplicar as estipulacións do presente convenio, así como velar polo seu cumprimento.
- d) Propoñer, para a súa aprobación polos órganos competentes, addendas ou modificacións do presente convenio.

13º.- A concreción anual da oferta de prazas será realizada pola Facultade de Psicoloxía e de acordo co concello de Pontevedra.

A relación de centros ou dispositivos nos que se ofrecen prácticas será actualizada con anterioridade á publicación, por parte da Facultade, da oferta anual de prazas.

14º.- Ao rematar o período de prácticas, o/a estudiante deberá elaborar unha Memoria das actividades realizadas, que será a base para a súa avaliación. Así mesmo, o titor ou titora no centro de prácticas emitirá un informe da actividade desenvolvida polo/a estudiante, que será tido en conta para a avaliación deste/a.

15º.- A realización do presente convenio non supón gastos para as institucións asinantes e por isto non se precisa consignación orzamentaria.


16º.- O período de vixencia deste convenio estenderase por dous cursos académicos desde a súa sinatura. Concluído este período, prorrogarase facilmente para cursos posteriores se non media denuncia das partes cunha antelación de tres meses ao remate do curso. A denuncia do convenio e a súa resolución en ningún caso pode afectar ás actividades pendentes de finalización.

17º.- De conformidade co disposto na Lei orgánica 15/1999, de decembro, de Protección de datos de carácter persoal, o/a estudiante en prácticas que por razón das actividades formativas teñan acceso, en calquera fase do tratamento, a datos de carácter persoal non revelará a persoa allea á empresa/entidade información da que tiveran coñecemento, nin utilizar ou disponer dela dun xeito ou con finalidade distinta á esixida polas accións formativas, obriga que subsistirá aínda despois de rematadas as mesmas, respondendo en caso de incumprimento do deber de secreto fronte á

empresa/entidade, sen prexuízo das responsabilidades que por igual causa puidesen derivarse ante a Axencia Española de Protección de Datos.
 A tal efecto o/a estudiante asinará coa empresa/entidade un documento no que se obrigue a cumplir o deber de secreto antes citado.

18º.- As partes comprométense a resolver de maneira amigable calquera desacordo que poida xurdir no desenvolvemento do presente convenio. No seu caso, as partes someterán as diverxencias que puidesen presentarse en orde á interpretación ou cumprimento do presente convenio á xurisdición Contencioso-Administrativa.

En proba de conformidade de canto antecede, asinan por duplicado o presente documento e cada un dos seus anexos no lugar e data indicados,

POLA UNIVERSIDADE DE SANTIAGO DE COMPOSTELA Por delegación do Sr. reitor (RR do 01.08.2011-DOG do 18.08.2011) A vicerreitora de Titulacións e Persoal Docente e Investigador	POLO CONCELLO DE PONTEVEDRA O alcalde
 Carmen Fernández Morante	  Miguel Ángel Fernández Lores

Anexo I

Ficha da materia Prácticum no plan de estudos do Grao en Psicoloxía da Universidade de Santiago de Compostela (Memoria para a Verificación do Título - Verificada polo Consejo de Universidades, por Resolución de 13 de maio de 2009 da Comisión de Verificación de planes de estudio)

Nome: PRACTICUM

Créditos (ECTS): 12

Carácter: Prácticas externas

Localización temporal no plan de estudos: 4º curso, 2º cuatrimestre

Competencias e resultados da aprendizaxe que o estudiante adquiere:

Competencias da titulación ás que contribúe a materia: Todas

Competencias específicas da materia:

- Desenvolver os comportamentos do rol profesional básico: asistencia, puntualidade, respecto ás normas e usos do Centro, respecto ás regras deontolóxicas, cumprimento das tarefas asignadas, ...
 - Desenvolver e pór en práctica competencias de carácter transversal propias do exercicio profesional: traballo en equipo, comunicación, empatía, análise e resolución de problemas, ...
- Desenvolver e pór en práctica competencias específicas do psicólogo, aplicando para iso os coñecementos adquiridos: identificación de necesidades e problemas, avaliación psicolóxica, identificación de variables relevantes; interpretación das avaliações; elaboración de informes psicolóxicos, habilidades básicas de intervención psicolóxica...

Requisitos previos: Para matricularse no Practicum será requisito superar polo menos 150 créditos obligatorios, entre eles a totalidade do 1º e 2º curso. Para a realización do Practicum en determinados dispositivos poderase requirir superar algunha(s) materia(s) concreta(s) do plan de estudos, de especial vinculación co tipo de actividade profesional que se desenvolve neles.

Actividades formativas en horas, metodoloxías de ensino-aprendizaxe e a súa relación coas competencias que debe adquirir o/a estudiante: Nesta materia inclúese formación específica relativa ao Código Deontolóxico do Psicólogo, a través de clases e seminarios presenciais (20 horas) nas que se exponen, discutirán e explicarán casos prácticos nos que se poñan de manifesto os dilemas éticos máis relevantes ou frecuentes, toma de decisións, así como casos de boa e mala praxe profesional.

A continuación, o/a estudiante incorporarase a un centro ou dispositivo de prácticas, durante un período de aproximadamente oito semanas (270 horas) no que, guiado por un/a profesional, tomará contacto co exercicio profesional da Psicoloxía. As actividades formativas concretaranse no programa específico de actividades, en función das características, obxectivos e funcións de cada dispositivo; que contemplará o contacto do/a estudiante con toda a gama de actuacións, labores e tarefas que nel se desenvolven, sempre baixo a tutela do profesional responsable.

Durante a realización do Practicum o/a estudiante manterá contacto periódico co titor académico, que fará un seguimiento e orientación do desenvolvemento das prácticas, en coordinación co titor profesional




Finalmente, o estudiante deberá elaborar unha Memoria, que lle servirá para reflexionar, sistematizar e dar conta da actividade realizada durante o período de prácticas (10 horas)

Sistemas de avaliação da adquisición das competencias: A avaliação realiza-se tendo en conta:

- (1) Memoria de prácticas que debe entregar o/a estudiante ao finalizar as prácticas. Nela deben figurar aspectos como descripción do centro ou dispositivo de prácticas; descripción das actividades nas que participou; descripción das competencias adquiridas ou desenvolvidas; autovaloración da experiencia etc.
- (2) Informe do tutor externo, no que dará conta do cumprimento do estudiante nas prácticas en relación co rol profesional básico; actitude respecto das tarefas desenvolvidas; desempeño en relación con habilidades e competencias transversais; desempeño na posta en práctica de coñecementos e competencias adquiridos na formación académica, en relación co tipo de traballo desempeñado no Centro.
- (3) Seguimiento e atención ás indicacións do tutor académico.

Contidos:

Código Deontolóxico do Psicólogo. Práctica preprofesional supervisada no campo da Psicoloxía.



USC

UNIVERSIDADE
DE SANTIAGO
DE COMPOSTELA



Características da Materia Prácticum no plan de estudios da Licenciatura en Psicoloxía da Universidade de Santiago de Compostela (BOE - 12/10/2001)

Ciclo: 2

Denominación: PRÁCTICUM

Asignatura/s en las que la Universidad organiza la materia troncal: PRÁCTICUM

Créditos anuales:

Teóricos: 0

Prácticos: 9

Totales: 9

Breve descripción del contenido:

Conjuntos integrados de prácticas a realizar en centros universitarios o vinculados a las Universidades por convenios o conciertos que pongan en contacto a los estudiantes con los problemas de la práctica profesional; podría ser también total o parcialmente de investigación

Vinculación a áres de conocimiento:

METODOLOGÍA DE LAS CIENCIAS DEL COMPORTAMIENTO


PERSONALIDAD, EVALUACIÓN Y TRATAMIENTOS PSICOLÓGICOS

PSICOBIOLOGÍA

PSICOLOGÍA BÁSICA

PSICOLOGÍA EVOLUTIVA Y DE LA EDUCACIÓN

PSICOLOGÍA SOCIAL

<p>POLA UNIVERSIDADE DE SANTIAGO DE COMPOSTELA Por delegación do Sr. reitor (RR do 01.08.2011-DOG do 18.08.2011) A vicerreitora de Titulacións e Persoal Docente e Investigador</p>  <p>Carmen Fernández Morante</p>	<p>POLO CONCELLO DE PONTEVEDRA O alcalde</p>  <p>Miguel Anxo Fernández Lores</p>
---	--